



母親節

逐年五月个第二個禮拜日，斯係母親節，雖然這個節日係對外國傳來个，這下大自家也當慣勢會在五月來慶祝母親節。盡會做生理、拐人錢个百貨公司也密密打廣告，提醒大自家，母親節到咧，好準備買禮物送分阿姆。雞卵糕同康乃馨係五月盡重要个禮物，麵包店、花店生理也好都奈毋得。逐間餐廳个桌官前官斯分人客注文淨淨，正經時到正想愛來訂位食飯个，斯會跌落飯甌下，有好等咧！連學校也會配合這個時間來辦理母親節个慶祝活動，鬧熱个五月天、燒暖个五月天、靚靚个五月天，感恩阿姆个五月天。

做細人个時節，無錢好買禮物送阿姆，佢會細心細意做一張靚靚个卡片，寫兜感謝同祝福个話分阿姆，抑係用色紙做一蕊紅紅个康乃馨送分阿姆。逐擺，母親節前一日，阿姆做工轉夜，正同笠嫲脫落來，還官赴脫手袖，佢斯緊拚拚同吾个「心意」堵到阿姆面頭前。看阿姆笑微微讀吾个卡片，佢歡喜都面紅紅，對心肝肚祝福阿姆康健、快樂。

佢同阿哥讀國中个時，阿姆因為吾等逐個月个補習費，還較無閒，日日像極樂个樣迂迂迴，打早出門、斷烏正轉，轉到屋家又愛煮夜分吾這兜食。該站時間，學校个家政課教吾等煮食，佢斯同阿哥參詳好，母親節該日共下來煮一桌菜請阿姆食。該日朝脣，吾等同园核个砵年錢拿兜來買菜，吾兩儕對三點開始擇菜、洗菜、切菜，先洗米煮飯正來煮菜。煎卵包、炒薤菜，這還算簡單，煎魚正係大工程。阿哥同魚放落油鑊个時，油彈跳來，彈著厥手脛，阿哥疾去目汁含核、唉唉嘖嘖。佢遽遽拿火爐藥同佢搭，過接手煎魚，該尾魚分吾等煎去一析臭火爌、一析溜皮溜骨，實在當毋錫人食。盡尾還愛煮米醬湯，米醬湯肚有放切做細兜細兜个豆腐，還有切幼幼个蔥，看起來還毋會熾。阿姆轉來个時，看著飯桌面擺四盤菜——卵包、炒薤菜、煎魚同阿姆滷个嫩薑，還有一碗公米醬湯，歡喜都緊阿腦吾等。大家坐落來食飯，正知薤菜無落著鹽，米醬湯又忒鹹，雖然恁泥，該暗晡，阿姆當暢，佢講這係盡好个母親節禮物。

出社會咧，母親節該日，吾等姊妹會共下定餐廳、買雞卵糕來同阿姆慶祝，也會送阿姆衫褲、手禁、骸鍊、時錶這兜禮物。阿姆總係講毋使恁泥開錢，心意到斯好，毋過，阿姆也會戴緊吾等送佢个禮物，同鄰舍展厥細人个孝心。

阿姆過身了後个五月天，對阿姆深深个思念同遺憾，分佢無法度面對無阿姆个母親節。電視做出相關个節目，佢斯遽遽切撇，無想聽著也無法度同人講起這個話題，無阿姆个佢像做毋著事情个細人，想愛尋空來园。今年，阿姆無在了第四年，共樣靚靚个五月天，記憶中阿姆燒暖个笑容還明明，毋過，吾心肝肚該少撇个所在，還共樣疾疾疾。

作者：徐姿華

☆詞彙學習☆

【密密】med` med`：連續不斷。

【官前官】mang` cien` mang`：事情或時間尚未到來。

【注文】zhu` vun`：預購、預訂。

【飯甌】pon` zen`：炊飯所用的容器。

【手袖】shiu` ciu`：袖套。

【迂迂迴】din+ din+ fui+：團團轉。

【火爐藥】fo` lug` rhog`：治燒燙傷的藥。

【臭火爌】chiu` fo` lad`：燒焦。

【溜皮溜骨】liu` pi` liu` gud`：皮開肉綻。

【米醬湯】mi` ziong` tong+：味增湯。